

برنجی سنه

بیان الحق

عدد ۱ -

فی ۹ رمضان سنه ۳۲۶ و فی ۲۲ ایلول سنه ۳۲۴

جمعیت علمیہ اسلامیہ نك ناشر افکاریدر .

صاحب امتیاز

شہری احمد افندی

سر محرری

مصطفی صبری

مدیر مسئول

محمد فطین افندی



مندرجات :

۱ (بیان الحق) ك مسلكی	مصطفی صبری	۷ آهنگ ملی (شعر)	علی نظمی
۲ خطبہ پیغمبری ترجمہ سی	کوچك حمدی	۸ سیای صائمین	محمد عارف
۳ یا علیم یا حلیم	حیرت	۹ تحصیل عالمندہ »	عبداہ عاطف
۴ بر مکتوب	خالص	۱۰ زبدۂ سیاسیات	
۵ مشورت	حسین حازم		
۶ جمعیت	فطین		



آبونہ اجرتی


برسنه لکی ۹۵ التی ایلنی ۵۰ غروشدر

درج ایلمیان اوراق اعاده اولتاز .



قارئلر مزه :

اکثر مقالاته آیات کریمه واحادیث نبویه درج ایلمش بولندیغی نظر اعتباره آلهرق رعایتسزلکده بولنمامسی
رجا اولنور .



قال الله عز وجل : وما علمنا الا البلاغ المبين

دینی ، ادبی ، سیاسی ، فنی بازار ایرتسی کونلری نشر اولنور هفته لک غزته در .

بسم الله الرحمن الرحيم

« الحمد لله رب العالمين والصلاة والسلام »

« على سيدنا محمد وآله وصحبه اجمعين »

{ بيان الحق } ك مسلكي

شرع شريفده (امر بالمعروف ونهي عن المنكر) ناميله بر قضيه معتنا بها ، بر وظيفة مقدسه واردر . معروف نه ديمك اولديغني بيليرسكز : بتون ايلكلره شامل بركله ! منكرده بالجله فالقلى محيط بر تعبير !

بو ، امر بالمعروف ونهي عن المنكر وظيفة سنك بيوك بر حصه سي ، هله حصه ابتدائيه سي علمانك عهده سته مترتيدر . تموز اون برده مقبره ماضيويه دفن ايتديكمز

دور استبداد ، منكر دورى ايدى . بومنكرى نهى ورفع ايچون اقتضا ايدن مساعى ابتدائيه ده بولنقى يعنى قوه اجرائيه رهبرك ايتك وظيفة سي عرض ايتديكم وجهله علمايه عائد ايكن بز ، وقيله وظيفة مزى مع التأسف ادا ايدمديك ، ز حالده بووظيفة مشروعه سي شانلى عسكرلر مزله اتحاد وترقى جمعى اركان كرامى ايفا ايتدى . بناء عليه بز بو ارباب حيته قارشو تشكراتمز محجوبيته ممزوجدر . انجق ، دور سابقده طريق علميه وطلبة علوم ، ژورنالچيلر ايچون اك واسع بر مأكل ، اك مهيا بروسيله

بيان الحق

صحيفه — ۳

حادثه بولنش اولديغني جهته بوخائلرك ، بز قدر هيچ بر صنف ومسلك حقتده سدره ترقى اولمقلى خصوصيه ده احوال مزى ياقيندن بيلنلرجه مسلم بر حقيقتدركه بوكا نظر آده اتحاد وترقى جمعيتك مساعى حقيقى ، هر كسدن زياده بز حساب مزه مشكور اولديغني نسبتده بزده كنديلرينه قارشو معذور اوله جغمز طبعيدر . بوكون لله الحمد ترقى وتكاملنر ايچون هيچ بر مانع قالماشدر . دون ، ايفاي وظائف حيتده جمعيت پيشروك ايدمديسهك بوكون يروك وظيفة سنى ادا ايله تلافى مافاته چاليشه جغز . مطمح نظر مز ، شعائر اسلاميه واداب مليه ني محافظه ايدرك ، اناطولينك ، روم ايلينك اعماقنده ، صاف وجوه رلى يوركلر يله كنديلرينه هر تكليف اولسان شئي ، اك بيوك بر سرمايه سعادت اولسه دخى مشروعت كسوه سي آلتده قبول ايدمديلمك طينت صلابت كسترانه سنده بولنان ميلونلرجه اهل اسلامى ، ترقيات احرارانه تشويق ايتك ؛ واسلاميتك سنه لردن برى عاشق وصالى بولنديغني اداره نك اداره مشروطه اولديغني يارواغياره كالانه رق ، حكومت مستبدنهك جور واعتسافى بوزندن قانون وحكومت ناملى ، قولاقلىرينه اك اغير برابر بلا كچى كلن ملتى ، يكي حكومت عادله ايله قانون اساسى به ايصنديرمق اوله جقدر .

بعض بدخواهانك نشرياتى وجهله بز دن مشروطيت اداره به قارشى بر شمه اشترازه تصادف ايدمك شويوه طور سون بو اداره نك مؤسسلى بولنان ارباب غيرت وحيمه بز ، قوه الظهر اوله جغز . دين اسلامى ، حریت ومسائواته مانع ظن ايتك كچى باطل بر ذهابه دوشهرك بو نعمتى ، بو بخشايش فطرتى بزده چوق كورمك انصاف سز اغنده بولنانلر تفريق جنس ومذهب ايتمش اولورلر . (لافضل لعربى على عجمى ولا لايبض على اسود الا بالتقى) حديث شريفى دين اسلامك دستور حكمت ومعدلايدر .

حكمداران دن ، عادات ورسوم جاهليه ي هرج ومرج ايدرك فقرای رعایا طر زنده يامالى البسه كينمك ، بيت المالدن آلدیغى بر موى حساب ايله ياقق ، يولچيق عالنده

ايشته اسلامك ، من القديم مال مشروعى بولنان حريت ك ايدى اغتصابدن قورتيه رق اصلنه رجوعى سايه سنده دركه بزده ، جمعيت علميه نك ناشر افكارى اولمق اوزره شورسالة اسبوعيه ني نشره امكان بوله بيلدك .

رساله مزك مسلكى ومقصد تأسيسى ، مسلم وغير مسلم بالجله افراد عثمانيه آره بنده كى حسن آميزشك تقرير وادامه سته چاليشمق ؛ وهى فرد ايچون ، حضيض مذلت ومسكنتده او طور وب قالميه رق دنوى واخروى وسائل ترقيا نمزى احضاره بذل مقذور ايلمك ؛ وآره مزده دائما حق ومعدلت وشفقت ومسائواتى كوزتمك دين عالميزك مقتضياتندن اولديغني تفهيم ايتكدر .

رساله مز ، اك باشده { مخافة الله } اولمق اوزره عفت واستقامت ، حيت ، همجنسهنه معاونت ، صورت مشروعه ده حریت ، جديات ايله الفت ، ظلم واستبداده نفرت ، علوم وقانونه محبت كچى حسيات فاضله ني تعميمه مدار اوله جق نشرياتيله مات تحييه عثمانيه نك سويه فكريه لر ينى يوكسليمكه چاليشه جق وبالخاصه ، دين اسلامك مانع ترقى اولمى كچى ظنون وتقولانك بطلاننى بحوله تعالى اثبات ايدمكدر .

رساله مز ، دين اسلام عليه نه وقوعى ملحوظ اولان اعتراضاته ادله مقننه ايله جواب ويره جك وهرهانكى بر مسئله دينيه ويا علميه حقتده خاطرلر خطور ايدمديلن شكوك وشبهاتى رفع وازاله ايله دين اسلامك ، بتون انسانلرك منافع حقيقيه لر ينىك بر فذللك سي مثابه سنده بولنان

سعادت دارینه موصل اولدینی انظارده تجلی ایتدیرمه غیرت ایده جک واحکام شرعیه و آداب ملیه به مغایر کوردیکی حالات و نشریاتی تنقید ایده رک { امر بالمعروف ونهی عن المنکر } وظیفه سنی ایفادن کیر و قالمیه جقدر .

فی الواقع علمامزک ، بووظیفه بی دور استبداده اهل ایتش اولدقلرینی ایلری سورهرک ، یکمشی مؤاخذه پرده سی آلتنده اولنری حالا واستقبالا دخی بووظیفه دن منع ایتک ایسته یلر واریسه ده بومثللی اعتراضاته : باطل ، مقیس علیه اولماق ، یاخوداودورده علما ، هرکس ایله برابر وحقی دهها زیاده معذور بولنقی طرزنده ویریه جک جوابلردن ماعدا ک زیاده شایان دقت بر جهت واردرکه دورسابقده مخالف شرع احوال اکسیک اولمیورایدیسه ده اودورده اوکی فالقلر غزته ستونلرینه کچه مدیکی ایچون برطاقم وقوعات عادیه وشخصیه درجه سنده قاهره آداب عمومیه اسلامیه اوزرنده اجرای تأثیر ایده مزدی ...

بوکون ایسه — بتون ای شیلرک سوء استعمال ایله فنا اوله بیلمسی قیلندن اوله رق — سربستی مطبوعات اوفاجق بر سوء استعمال قاریشمق یوزندن ساحه انتشاره وضعی محتمل بولنان منکراتک ، موضوع بحث اولسی وعادتا قبول عمومی به عرض ایدلمسی قوتنده بر تأثیری حائز اوله جنی جهته نظر اهمیتدن دور طوتولماق لزومی ارباب بصیرت نزدنده مسلماننددر .

فاتح درساملرندن

مصطفی صبری

خطبه پیغمبری

استاذ مدرسه احدیت ، معلم یکانه مدنیت ، نور منیر هدی ، حبیب نجیب خدا ، پیغمبر عالی برهان ، کشاف سرائر عرفان افندمز حضرتلری من طرف الله ارتحال نبویلری کندیلرینه وحی وتلقین اولندینی کون امتک مسجد سعادت اجتماعی ایچون حضرت بلال حبشی رضی الله عنه افندمزی منادی تعیین بیوردیلر . مدینه منوره نك اسواق طیبه سنده

عکس انداز دعوت اولان ندای بلالی اوزرینه هرکس اولرینی ، دکالربنی آجیق ، صاجیق بر اهرق قوشوشدیلر بیوک کوچک ، ارکک دیشی مسجد سعادت طویلاندیلر . رسول کبریا صلی اه علیه وسلم افندمز حضرتلری یر ویریکز ، یر ویریکز امر رسالتناهیله ترتیب نظام مجلس ایده رک برخطبه رسالت ایراد بیوردیلر .

دیدة ملکوت بین نبوتیناهیلری اشکینثار ابتهاج اولدینی حالده « انالله وانا الیه راجعون » دهرک جناب حقه حدوثنا وبالجمله انبیای عظام حضرتانه ونفس نفیس محمدیلرینه صلات وسلام اهداسیله تمهید ماوجبدن صکره بیوردیلرکه :

بن ؛ محمد بن عبدالله بن عبدالمطلب بن هاشم عربی حرمی مکی یم که بندن صکره نبی یوقدر .

ای ناس ! بیلمش اولیکز ، ارتحالم بکا خبر ویرلدی . دنیادن آیرلام زمانی کلدی . لقاء الله مشتاق وامتمدن مفارقمه محزونم . بندن صکره نه لردیه جکلر نه لر ؛ یارب ! سلامت احسان ایت سلامت !

ای ناس ! وصیتمی دیکه ییکز ، ازبرله ییکز ، صاقلاییکز ، حاضرلریکز غائبلریکزه بیلدیرسین ؛ زیرا صوک وصیتمدر .

ای ناس ! جناب الله تنزیل بیوردینی کتاب محکمنده سزه حلال وحرام قیلدینی شیلری ، یاجغیکز وصاقه . جغیکز ایشلری شبهه سز بیان بیوردی . آرتق سز آنک حاللنی حلال وحرامنی حرام طانییکز . سز او کتاب منزلك محیرالعقول اولان اسرار متشابهاته اینانوب سوز کتورمیان قطعی الفساد محکمتایله عمل ایدیکز . وحاوی اولدینی امثال حکمت مألندن عبرت آلیکز .

(رأس مبارکترینی سایه قالدیره رق) :

شاهد اول یارب !

تبلیغ ایتدیمی ؟

ای ناس ! جناب الله ونعیم جناندن اوزاقلاشدیران ،

سون بنی ، وبنی سون شبهه سز الاهی سور . وبالعکس آنلره بغض ایدن بکا و بکا بغض ایدن الله بغض ایدر .

آکلادیکزمی ؟

ای ناس ! آبدستکزی کوزلجه آلوب تعدیل ارکانیله بش وقت نمازه دوام ایدیکز ؟

ای ناس ! اموالکزک زکاتی ویریکز ! و بیلمش اولیکز که زکاتی ویرمیه نك صلاتیده یوق دیمکدر . صلاتی اولمیانک ایسه صومی ، حجی ، جهادی ، دینی ده یوق دیمکدر .

طویدیکزمی ؟

ای ناس ! الله عظیم الشان ارباب استطاعته حجی فرض قیادی یایمیانک خاتمه سی قنادر . مکر آنی برمرض ویا بر ظالم قوی آلیقویه . بوکیلر شفاعتمدن حصه مند اولمیوب حوض محمدیه کله میه جکدر .

ای ناس ! جناب الله یوم قیامتده هیکزی بریرده عظیم ، دهشتلی بر مقامده جمع ایده جکدر که او زمان سزه اموال و اولاد دکل آنجق قلب سلیم منفعت ویره جکدر .

ای ناس ! لسانکزی حفظ ایدیکز ، کبر وغروری براقیکز ، آلق کولکلی ، یوکسک همتلی اولیکز . بدنلریکزی یوریکز ، تبیل اوله ییکز ، دشمنلریکزه مجاهده ایدیکز . مساجدیکزی معموره ، ایمانکزی خالص قلیکز ، ایلک اوکجه کندیکزه ، صوکره اخوانکزه نصیحت ایدیکز ، عرضکزی محافظه و اموالکزدن تصدق ایدیکز . وبربریکزک نائل اولدینی شرف وشانه حسد ایتیکز که بتون حسناتکزه محوینه سبب اولور یکدیگر . یکزک غیابنده فنا سویلیمه ییکز که محبت واخوت مضحل وخصومه متحول اولورده هلاک اولورسیکز .

ایشتدیکزمی ؟

ای ناس ! کندیکزی اسارتدن قور نارمغه چالیشکزه

عذاب الیم ناره یاقلاشدیران شوکوزیکز اوکنده طریق هدایت وشهره سعادت وسلامتدن صابان وصایدیران هوا وشهوات نفسانیه دن حذر ایدیکز . جماعت واستقامتدن آیرلمیکز ؛ زیرا جماعت واستقامت حضرت الله ونعمت ابدیه جنانه تقرب ، نارجحیمدن تبعیدایدر .

ای ناس ! دینیکزده وسزه تودیع ایدیلان اماناتکزه اللهندن قوریکز ، مملوکلریکزه یاجغیکز معاملاتده ده اللهندن قوریکز ، اولنره کندی یدیکیزدن یدیریکز . کیدیکیکردن کیدیریکز . طایانامیه جقلری تکلیفدرده بولنماییکز . زیرا آنلرده عینی ات ، عینی قاندرلر . وسزک کی مخلوقدرلر ، آنلره ظلم ایدنلرک یوم قیامتده خصمی بن ، حاکمی اللهدر . قادینلریکز حقنده ده اللهندن قوریکز ، مهرلرینی ایفا ایدیکز ، آنلره جور ایتیمیکر که یوم قیامتده حسناتکزه اجرندن سزی محروم ایدر . باقیکز : تبلیغ ایتدیمی ؟

ای ناس ! کندیکزی واهل وعیالکزی آتشدن قوروییکز . آنلره علم ، ادب اوکره دیکز . آنلر سزک یولداشیکز و یدیکزده امانتیکزدردلر .

دقت ایدیکز : تبلیغ ایتدیمی ؟

ای ناس ! اولیای اموریکزه اطاعت ایدیکز ، حقیر برعبد حبشی اولسه ده عاصی اولماییکز ؛ چونکه آنلره اطاعت ایدن بکا وبکا اطاعت ایدن الله ، وبالعکس آنلره عصیان ایدن بکا ، وبکا عصیان ایدن الله عصیان ایتمش اولور . عقلکزی باشیکزه آلیکز ، احکام شرع ومعدلتدن آیرلدقلری مدتجه آنلرک علیه خروچ و قیام ایتیمیکر و آنلره اولان عهدیکزی بوزماییکز .

آکلاته بیلدیمی ؟

ای ناس ! اهل بیتمه وحله قرآنه محبتدن آیرلمیکز . علما کزی سویکر ، آنلره بغض وحسد ایتیمیکز ، حقلرنده ذم وقذخی روا کورمیکز . بیلمش اولیکز که بونلری

و عجز و احتیاجکرتک تحقق ایدہ جکی کوندہ ایشیکزہ یارایہ جق خیرلر ایشلہ یکنز .

ای ناس ! ظلم ایتہ یکنز ! الله محکمہ عدالتندہ ظالمی بالذات مالبہ ایدر . حسابکنز و اک صوک ذهابکنز جناب حقہ در . او عادل مطلق ایسہ معصیتہ راضی دکلدز .

ای ناس ! هر کیم این برایش یاپارسہ منفعتی کندی نفسنہ و هر کیم کوتو برایش یاپارسہ مضرتی ینہ کندی نفسنہ عائددر . یعنی هر کسک چکدی کندی اندندر . یوقسہ رب العالمین قوللرینہ ظلم ایتز . اول برکوندن حذر اوزرہ بولنیکز کہ حضور الہیہ چیته جقسکنز و هر کس این ، کوتو بتون محصول مساعیسی - برذرہ سی ضایع ایدلیہرک - استیفا ایدہ جکدر .

بن خیریمی آلم . ربمہ کیدیورم ، دینکزی و امانتکزی اللہ اصهارلادم . ای معشر اصحاب و جماعت امت ، السلام علیکم ! السلام علیکم ورحمۃ الله وبرکاته ! درس عام ملازملرندن کوچک حمدی



یا علیم یا حلیم

ادارہ مستبدہ نک ظلمی ؛ زیر اداره سیندہ بولنان ملل مختلفہ نک کافہ سی حقندہ عمومی ایدی . آنحق مسلمین ؛ ملل سائرہ دن زیادہ دوچار ظلم ایدلنکدہ ایدیلر ؛ چونکہ ارمنی ، روم همشہر یلریمزک برر بطریقخانہلری وار ایدی بطریقخانہلر ؛ ملتک اوکنہ سپر اولوب هجوم ایدن مظالمی کاه رد ، کاه تعدیل ایدہرک ملتسلرینی مہما ممکن وقایہ ایدرلر ایدی .

مسلمینک ایسہ حکومت مستبدہ یہ قارشی اوکلرندہ حائل اولہ جق اولیہ برشیلری اولمدیغندن مظالم ہاجمہ نک کافہ تأثیراتیہ متأثر اولہرق بویلہ دلیک دشیک برحالہ کلدیلر .

برده حکومت مستبدہ نک کافہ سی ظلمی ؛ زیر تحکمندہ بولنان ملل مختلفہ نک کافہ سی دائما ظلام جہل ایچندہ بولندرمق و ہانکی طرفدہ بر ایشیق کوررسہ ہان پوف دیوب سوندرمک ایدی . بو ہوای حکومت ایلہ نہ قدر شعلہ ادراک سوندورلمشدر !

شایان تأسفدرکہ حکومت ظالمہ نک بوظلمندہ اک زیادہ معروض اولان مسلمین ایدی ؛ چونکہ ارمنی ، روم همشہر یلریمزک برر جمعیت علمیہلری وار ایدی و بطریقخانہلرک حمایتہ سندہ ایدی . بطریقخانہلر بوجعیتلرک شعلہ سی ہوای حکومتلہ منطقی اولمقندن محافظہ ایچون بررقانوس اولورلردی ؛ بووجہلہ ارمنی ، روم همشہر یلریمز ؛ جمعیت علمیہلرینک دلالت وارائہ سیلہ معارف و صنایع و تجارت یوللرندہ خیلی ایلر یلدیلر .

مسلمین ایسہ ایچلرندہ ظہور ایدن شعلہ ادراک فانوس اولہرق ہوای حکومتک شدتیلہ منطقی اولمقندن محافظہ ایدہ جک اولیہ برشیلری یوق ایدی بووجہلہ اوکلرندہ فنار چکدرک کندیلرینہ طریق ترقی کویستہرہ جک بر جمعیت علمیہلری اولمدیغندن کوز کوزی کورمز برظلام جہل ایچندہ نرہ یہ باصہ جق ونہ طرفہ کیدہ جکلرینی بیلہ میہرک بویلہ اولدقلری یردہ قالدیلر .

بو بیچارہلر ؛ حکومت ظالمہ نک بوظلملرندن بشقہ ارمنی ، روم همشہر یلرینک کورمدکلری دیکری فجیع چکلمز برظلمینی دہ چکلریدی . بتون ادیان و مذہاب قانوناً اعتراض و تعرضدن مصون اولدینی حالہ میسیونرلر و غلاۃ شیعیہ طرفلرندن بولنلرک دینلری علیہندہ اعتراضاتی حاوی کتب و رسائل نشر اولنوردی . نشر اولنوردی دہ او اعتراضاتی مدافعہ ایچون یازیلان آثارک طبعنہ رخصت ویرلر ، منع اولنوردی ؛ بونک دہا فجی قوجہ قوجہ (یوز یکریمی صندوق طولوسی) کتب اسلامیہ معبود (جلال) ک نظرارتندہ دائرہ یہ متصل جنبلی طاش حمای کلخندہ احراقہ باشلانوب (بوکتب دینیہ حریق) برہفتہ دوام ایتمشدر . بو (کتب دینیہ حریق) جنبلی طاش

حمای کلخندہ دوام ایتدیکی اثنادہ دیکر بریردہ دخی بالخاصہ یایدیرلمش برفورون دروندہ بر (کتب دینیہ حریق) دہا ظہور ایتدیکی خبر آنمش . ایشہ مسلمین درونلرندہ سونمز بر آتش برافان شو (کتب دینیہ حریقلری) ایلہدہ ایکی دفعہ حریقہ علوم اولمشلر .

ایشہ معارف و صنایع و تجارتدہ همشہر یلرندن کیری قالان و آنلرک کورمدکلری بویلہ الیم ، الیم ظلملر کورن مسلمین ایچوندہ بر جمعیت علمیہ اسلامیہ تشکیل ایدوب کندولرینہ برمشعل راہ ترقی اولمق و پوف دیانک صاحبی صقالتی یاقق اوزرہ « مشعل الحق » اسمیلہ برجریدہ و « بیان الحق » اسمیلہدہ اسبوعی بر مجموعہ نشرینہ قرار ویردک . ومن الله التوفیق

حیرت



— مشورت —

« ادب الدنيا والدين » نامندہ کی کتاب مستطابدن ملخصاً مأخوذ و مترجمدر .

رأی ناصح ، عقل راجح صاحبیلہ مشورت ایتدہن عاقل ایچون برامرہ غزم و ابرام ایتک ؛ بر حرکت حزم آکاهی دکلدز .

چونکہ جناب علام الغیوب ؛ نبی عالیشانہ کندیسینی هر خصوصہ مظهر الہام و توفیقات صمدانیہ سیلہ تأیید بیورہ جغنی وعد و تکفل ایتدیکی حالہ - فرقان حکیمندہ « وشاورهم فی الامر » فرمان عالیسی منطوقنہ مشورتلہ امر بیورہ شلردر .

ارباب تأویل ؛ آیت مذکورہ حقندہ تفاسیر متعددہ در میان بیورم شلرسدہ بز ذوات مشار الیہمدن بالکمز حسن بصری و سفیان - رحمہما الله - حضراتنک تأویلی ذکر ایلہ اکتفا ایدیورز .

مشار الیہما حضراتی بیوریورلرک ؛ نبی ذیشان

علیہ صلوات الرحمن افندمن حضرتلری اصحاب کرامیلہ مشورتدن مستغنی اولدقلری حالہ مشورتلہ مأمور بیورملری ، مؤمنلر مشورتی سذت سنیہ اتخاذ و هرکارلرندہ اکا اتباع ایتسونلر حکمت ارشادیہ سنہ مینیدر .

حضرت پیغمبر ؛ بر حدیث شریفلرندہ « مشورت ؛ ندامتی دافع بر حصن حصین ، ملامتی طارد بر کھف امیندر . » بیورم شلردر .

فاروق اعظم افندمزدہ مہما امور ی درعہدہ ایدن رجالی اوچ صنفہ تقسیم بیوریورلر :

برنجی صنف ذوات ؛ مأموریتلرینہ تعلق ایدن امور معضایہی رأی سدیدلریلہ فصل و حصم ایدرلر ایکنجی صنف رجال ؛ اشکال واقع اولان امور دہ ارباب مشاورہیہ مراجعت و آنلرک آرای سدیدہلرینی تلقی بالقبولہ مسارعت ایدرلر . صنف ثالث صاحبیلری ایسہ وادی حیرتدہ پویان اولہرق نہرشدو صوابی قبول ، نندہ برمرشدہ اتقیاد ایدہ بیلرلر .

سیف بن ذی یزن دیورکہ رأی صائب کورہرک عجب وغرورہ دوشن آدم ، مشاورہی قبول ایتز رأیلہ استبداد ایدن صوابدن بعید دوشر .

حرکات عاد لانه سیلہ صحائف تاریخندہ بر موقع بالا ترین احراز ایدن عمر بن عبدالعزیز حضرتلری ، « مشورت و مناظرہ ابواب رحمت و مفاتیح برکتدر بونلرہ توسل اولندقدہ نہ رأی ، هدف مقصوددن صاپار ، نندہ حزم و احتیاطدن آیر یلنمش اولور » بیورہ شلردر . بعض حکما ؛ استشارہ عین ہدایتدر . رأی خود پسندانہ سیلہ استغنا حاصل ایدنلر ؛ مخاطرہ یہ معروض اولورلر دیمشدر .

مشاورہ یہ غزم ایدلکدہ ارباب مشاورہ ؛ آتیا بیان اوانہ جق خصال خمسہی مستجمع ذواتدن انتخاب اولنلی .

برنجی خصلت :

تجربہ سابقہ یہ اقتران ایدن عقل کاملدر . چونکہ کثرت تجارتلہ صحت رویت حاصل اولور بونی ، جناب رسالتلہ

افند منك شو حدیث شریفی مؤید در . « عاقلدن استرشاد ایدیکر که ارشاد اولنه سکر . عاقله مخالفت ایتیکر . صکره نادم اولور سکر »

عبداللہ بن حسن فرزند عالیمی محمد خطا بآ بیور . مشار در کہ فصلکہ عاقل عداوت اظهار ایتدیکر وقتہ حذر ایدیورسک جاهل ایله مشورتندہ - ہر قدر ناصح اولسہ بیلہ - اولہ جہ حذر ایله ؛ چونکہ جاهل سنی مشورتیلہ برورطیلہ دوشورہ بیلکہ مستعددر کہ اکانستلہ مکر عاقل پک کری قالیر .

بنی عبس قبیلہ سندن بر آدمہ دینلمشدرکہ سزک آراء صائبہ کز نہ قدر چوق !

جواباً « بز بیک کشیدن مرکز ایچمزده امورینی اتقان واحکام وجهلہ طوتان بر حازم مدبر واردکہ بز ہرکارده آنکہ مشورت ایتدیکمزدن دولایی کویابیک حازم اولمش اولیورز . » دیشدر .

رأی کنیدیسی عجب وغرورہ دوشورن شابغیر مسبوق التجربہ وایام متکدرہ ؛ جسمنی دوچار ضعف وانحطاط ایتدیکر عقلنی دہ باشندن آلوب کوتورمش اولان پیر عمل مانده ایله مشاورہدن حذرا تمک توصیه اولنه کیشدر .

« منثورالحکم » دہ دینلیور کہ ہر شیئی محور لایقندہ تدویر عقلہ ؛ عقل ایسہ تجربہ بہ محتاجدر . بوکا مبنی دینلمشدرکہ ایام ؛ لدنیات اموری ورای پردہ خفادن چیقاریر . قال ابو الاسودالدؤیلی :

وما کل ذی لب بمؤتیک نصحه ولا کل مؤت نصحه بلبیب ولكن اذا ما استجمعا عند صاحب حق له من طاعة بنصیب

مألی : ہر عاقل سکا نصیحت ویرمز . ہر نصیحت ویرزده عاقل دکدر ولکن بو ایکی خصلت یعنی عاقلیت وناصحیت بر ذائدہ بولنتجہ اکا اطاعتلہ نصیبہ دار ارشاد اولوق لازمدر .

ایکنجی خصلت :

مستشار ؛ دین و تقوی صاحبی اولوق چونکہ دین ہر بنای سعادتک دیرکی و ہر فوز وفلاح خانہ سنک قپوسیدر دینک قوۃ غالبہ سی آلتندہ بولنلر مأمون السیریرہ ، موفق العزیمہ درلر .

اوچنجی خصلت :

مستشار ؛ ناصح محب اولوق چونکہ نصح و مودت ؛ فکرہ استقامت رأیہ خالصیت ویرر . بصیرتکار ، مشفق بر ذات ایله مشورت ؛ سبب فوز وظفر ، بصیرتسر ، حسود ، غیظکار آدم ایله استشارہ ایسہ بادی خیت و خطردر .

قال بعض الشعراء :

اصف ضمیرا لمن تعاشره واسکن الی ناصح تشاورہ وارض من المرء فی مودته بما یؤدی الیک ظاہرہ من یکشف الناس لایجادا تنصح منهم له سرائرہ اوشک ان لایدوم وصل اخ فی کل ذلات تنافره

مألی : ضمیرکی معاشرت ایتدیکک کسہ بہ صمیمی قیل مشاورت ایتدیکک ناصح عاقلہ قارشئ تسلیمیت کوستر . کشینک مودتی حقندہ ظاہر حائلک آرائہ ایتدیککی درجہ بہ راضی اول . چونکہ انسانلر بحق میزان انتقاددن کجیریلہ جک اولورسہ سرائری خالص تک بر آدم بیلہ بولنہ مز . ہر قصورہ باقیلہ حق اولورسہ ہیج بر کیمسہ ایله دوام موانست ؛ قابل اولہ میہ حق بر حالہ کبیر .

دردنجی خصلت :

مستشار ؛ حین انتشاردہ آلام واکداردن سالم اولوق چونکہ ، فکریلہ شوائب غموم ، معارضہ ایدن کیمسہ نہ سلیم الرأی ، نمدہ مستقیم الخاطر اولور .

بشنجی خصلت :

امر مستشار ؛ نہ متابعت اولنش بر غرض ، نمدہ نفسک مساعده ایتدیکر حظوظات اولوق . چونکہ اغراض جاذب ، ہوائ ، نفسانی ایسہ مانعدر . بر رأی مجاذبہ اغراض ومعارضۃ ہوائہ معروض قالیرسہ ہر حالہ فاسد اولور .

ایشہ شو خصال خمسہ استکمال ایدن ذات عالی بہ اہل مشورت ومعندن رأی و ہدایتدر . ارباب آراء ؛

امر مشورتک مجتمعاً یاخود منفرداً اجراسی خصوصندہ اختلاف ایتشلر در

یونان و اہل فرس ؛ اجا فکر و بیان رأی وتدبیر ایتک اوزرہ اجتماعی قبول ایتشلر در چونکہ بو خصوصہ ہر اہل رأی ؛ خاطرینہ خدشہ ویرن جہتی ، نتیجہ فکرینی سویلر حقیقۃ جای قدح برجہتی وار ایسہ معارضہ ویاخود رد توجہ ایدیورسہ - قانون مناظرہ بہ توفیقاً بایلان جدل کبی - مناقضہ اولنور . بناء علیہ حکم مدعاہ او قدر قرائح وافکارک اجتماعی سبیلہ ہیج برخلل وزلل قالر کہ میدان ظہورہ چیقماسون .

صنوف امدن بر صنفدہ امر مشورتک منفرداً اجراسنی قبول ایتشلر در چونکہ بو خصوصہ ہر صاحب رأی صوابہ بائلیتک کنیدیہ انحصاری امیدینہ طمعاً رأی مقصوددہ منفرداً اعمال فکر ایدر . قرائح ؛ انفراد ایتدیکر وقتدہ فکر ، قریحہنی مجرد مسئلہ مطلوبہ ایچون تجرید ایلر . فقط ؛ قرائح اجتماع ایتدیکر تقدیردہ مسئلہ ہیئت شورایہ تفویض اولنہ جغندن ہر قریحہ کنیدی حصہ سنہ دوشن مرتبہ دوشونمکن زیادہ سنہ مجبور اولمز . شو ایکی مذهبدن ہر ایکسی ایچوزدہ بروجہ واردر فقط وجہ ثانی اظہر در .

مؤلف کتابی امام ماوردی علیہ الرحمہ حضرتلری بیوریورلر کہ بکا قالیرسہ علی الاطلاق مشورت حقندہ شوائبی مذهبدن بشقہ بر مذهب دہا واردر کہ بنجہ اصل راجح اودر . شویلہ کہ :

ناظر شوری مسئلہ بہ باقار . اکر مسئلہ ایکی امر بایندہ متردد ایسہ بو صورتدہ مشاورہدن مقصد یا مسئلہ نک فسادینہ اعتراض ویاخود صلاحی حقندہ اظهار حجت اولہ جغندن مجتمعاً اجراسی اولادر . چونکی بو صورتدہ حقیقت دہا بلیغ ، دہا واضح بر حالہ میدانہ جیقارہ

یوق بویلہ دکل دہ مسئلہ ؛ صوابی پک مبہم ، جوابی پک معجم ومشکل کوریان امور عظیمہ واحوال فامضہدن اولورسہ او حالہ ہر اہل رأی فیکرندہ تفرد و خاطریلہ تجرد

ایتملی کہ صوابدہ اجتہاد ایتسون . صکرہ کشفیات واتعمسی خطامیدر صوابمیدر ملا حظہ اولنسون بوکا نظر آجوابدہ منفرداً اجتہاد اولدینی کبی کشف صوابدہ دہ مجتمعاً امان افکار ایدلمش اولور .

طلبة علومدن حسین حازم



درس وکیلی خالص افندی حضرتلری طرفندن کوندریلان مکتوبدر .

(بیان الحق) ک بو حقہ انتشارنی استبشار ایتدم . بونک اسمندن دخی نمایان اولدینی وجہلہ مسلکی حق کولوق اولہ . جغندن سیر وسلوکنندہ حق باطلدن ، صدق کذبدن ، صوابی خطادن . نفی ضرردن ، والحاصل خیری شردن فریق وتمیزایلہ واضحا بیان خصوصندہ اصلا لوم لاندن چکنمہ مسنی آرزو ایدرم . « بیان الحق » بیاناتہ (اللهم ارنا الحق حقا وارزقا اتباعہ وارنا الباطل باطلا وارزقنا اجتنابہ) دعاسیلہ بد ایتیلدر انحق (حق) برء الساء ، بردواء مر اولدیفندن فاسد المزاج اولانلرک طبع عالی آنی قبولدن نفرت ایدہ جکی (حق) مررد وهرمر (دوا در) ترکیبنک حسن نتیجہ سندن حکمانک سلطان القوی دیدکری و اہمہک غلبہ سیلہ اورکہ جکندن آجی اولان حقیقتی تصریح جائز اولمیان ویا مناسب کورلمیان مقاملر دہ (ان فی التعاریض لمدوختہ عن الکذب) قانون شفابخشامی موجبنجہ رجتہ نی نبضنہ کورہ « مجاز ، کنایہ ، تعریض ؛ ایجاز ، اطناب ، مساوات) قرصاری صورتدہ ترتیب واعطا ایللمیدر .

انسانلر دہ حق قبل ایتامک و بالمرہ رد ایلنک مرض جہالتک بحر اندن نشأت ایدر بر حال اولدیفندن (بیان الحق) نتیجہ حسنہنی کوزہ تہرک حق بیاندن اصلا فارغ وساکت اولمالمیدر . فصل اولہ بیلرکہ (الساکت عن الحق

شیطان (خرس) در حق عالیند (ماترك الحق لعمر من صدیق) شرفوار اولان حضرت فاروق بیان حقندن کبر و طور میوب محافظه عدل و حق خصوصند، تأدیب و تربیه قامچیسنی الدن برافما شدیلر .

شهر سزدرکه امتك باشنه کلن بلالر ، مصیبتلر هب بیان حق اهلنك سکوتندن ایلر و کلتش فقط بیان - قدن ساکت اولانلرک شخصنه منحصر قالمیوب بتون اتمه تعدی ایتشدلر .

الحاصل (بیان الحق) حق و حقیقتدن قطعاً سکوت ایتما ملی شوقدروارکه بیاناننده (وجادلهم بالی هی احسن) جاده سندن آیرلاملی در شونی ده بیان ایدیم که وکام (بیان الحق) ک احتوا ایدم جکی باحثك بروجه آتی اولمشی ایستر :

مسائل مهمه دینی ، تعریض وقوعنده مدافعه ، اصلاح احوال مدارس ، اصول تعلیم و تدریس ، انتظام احوال طلبه ، تشکیل طبقات مدرسنین ، انتخاب کتب و رسائل ، اصول تکلم و ترجمه و عند الحاجة امتك تکلم ایتدیکی السنه مختلفه کتب و رسائل نشری .

والله الموفق

جمعیت

قال الله تعالى عز وجل « واعتصموا بحبل الله جميعاً ولا تفرقوا »

مادام که ملتك حق اجتماعی اعاده ایدلدی .

مادام که حکومت ، حرکات کیفیه و معاملات مستبدنه نهایت ویره رک ملتك افکار معقوله و مشروعه سی محصله نك جهت استقامتی تعقیبه باشلادی .

مادام که اصول مشورت هرایشیمزده اس الالاساس اتخاذ قلندی .

مادام که هرکسک ، موقع اجتماعی نسبتنده مسئول

و معاتب طوطیه جفی تقرر ایتدی . بتون افراد ملت ایچون برچوق وظیفه لر حاصل اولدی .

بووظائفدن بری و بلکه برنجیسی ، مشروطیت و مشروعه مزك اساسنی تحکیم و ترصین ایتك ایدی ؛ بووظیفه هان هان ایتلدی ، تحت امنیت مزده برحکومت مشروطه تأسس ایتدی بزه بوسعداتی بخشه سبب اولان جمعیت ، بومشروطیت مشروعه مزه تأثیر و ایقاع ضرر ایده بیله جك اللری قیرمق خصوصنده افکار امتك ، قلوب ملتك پیشوالفی وظیفه سنی درعهده ایتدی ، جناب حقندن ایسه امیدمز برکالدر چونکه (یدالله مع الجماعه) در .

دیگر بووظیفه مهمه ده افراد ملتك آیری آیری تشبثات معقوله لری ترکیب و توحید ایدلرک مجرای لازمه سوق ایدلمشی کیفیتی ایدی .

اولکی وظیفه ، سعادت ملیه مزك موضوعنی تشکیل ایدلکی کبی بوده غایه سنی تأمین ایلله جکدر .

بونقطه نی درپیش ایدن ارباب مسالك ، مسلکری دائره سنده برطاق جمعیتلر تشکیلنه باشلادیلر ؛ کرچه لزوم طبیعی اولمق سزین یالکز کوره نك سوقیله فائده سز انجمنلر تأسس دکل ، تشکل ایتدی ، فقط تحولات حالیه مزده کی فوق العاده لك ، انقلاب حاضر مزده کی سرعت دوشونولورسه ، اساساً غیر طبیعی اولان بواجتماعلرک بونقطه نظرندن طبیعی اولدینی تسلیم ایدلك اقتضا ایدر ؛

بوجئنه انقلابده علما ، عمومه توجه ایدن وظائفلر ابر آیربجه مهم بر وظیفه قارشیسند بولنیوردی ، بووظیفه ایسه بتون مسلمینه معتقدات اساسیه لرینی تفهیم ، وظیفه دینیله لرینی تبلیغ ایتك فریضه سیدر .

فی الحقیقه سزله ردن بری تأیید ایدیلن جهالت و استبدادك نتایج الیمشی اولاردق افراد مسلمینك معلومات دینیسی مکتسبات سائرسيله متناسب برحالده قالمش و مدنیت غریبه نك ؛ اقتباس و مملکت مزه تطبیقی عادتاً فرض اولان ترقیات مادیه سز لا قیدانه طاوورانه رق تدنیات اخلاقیه سز تمایللر کوسرلمش و آفتاب اسلامیتك شعشعه حقیقیه سنی ادراك ایدمه جك نظرلر چوغالمش ایدی .

و غط و نصائح صورتیه مسلمانلرک دینلرینه اولان مربوطیتلرینک عامی تقویه سز جالبشحق و هر صنف حلقه ضروریات دینیسی و اسه تطاعنی نسبتنده احکام اسلامیه تفهیم و تبلیغ ایدلرک و لزوم کوریلان محله بر هدایت علمیه ارسال ایلله جکدر .

و باخصوص صرف حقایق اسلامیه عدم وقوفدن نشأت ایدن بعض افکارك يك سخیف يك حقمنز اولدینی دخی اظهار عمومیه قارشوسنده اثبات ایدلله جکدر .

(ومن الله لتوفیق) فطین

ادبیات

آهنگ ملی

جمعیت حامی ملیتمزدر

ملتمز کافل حریتمزدر

جدیت ایلله باشلایم هر ایشه زیر

جدیتمز خادم جمعیتمزدر

منظومه میثاق و عهدوز ، هیمزدن

مطلوب عمومی دخی جدیتمزدر

واژ کجملی بز تفرقه دن چونکه بو حالت برمانعدر موجب رفیتمزدر

احیای دل مرده بزم مقصدمزدر

اعمار وطن ماحصل نیتمزدر

تعمیم مکارمده نبات ایللم هب

علما بو آجی حقیقتی درپیش ایدنیوردی . تمامیه آکلا یوردی ، آغلا یوردی فقط برشی سوبلیه میوردی . یالکز :

(یریدون ان یطفؤ النور الله فواهم ویأی الله الایتم نوره)

آیت کریمه سنی اوقویه رق آتی به انتظار ایدنیوردی . چونکه ارباب دین بیلنیوردی که دینی اه هر زمان حمایه ایده جکدر . اوت برشی سوبلیه میوردی . چونکه تبلیغ احکام دینییه هانکی نقطه سندن باشلانسه عدالت ولوازمه تمسك ، ظلم و استبداده مقاومت ارنندن بشقه برشی اولیه جکدی . بونی آکلا یان اجلاف استبداد افکار ملعتلرینی باشلیجه علمایه عطف ایتشلردی . وعظلمده دعا واسرائیلیانندن بشقه هان هان برشی سوبلنامشی مجبوری ایدی .

علما ، عهده سز ترتب ایدن و اجراننده مجبوریت دینه بولندینی حالده تأثیر استبدادله یالکز تصورلرده قالان شو وظائف عالییه شمدی کال اهمیتله ایفایه قرار وردی . وهان بر جمعیت علمیه تأسیس ایتدی .

سرد ایدیلان شواچ وظیفه اساسیه دن اکلا شلیرکه :

اولا - جمعیتمز بر « جمعیت سیاسی و طنی » در . شو وظیفه عمومیه نقطه نظرندن جمعیتمز طوغریدن طوغرییه « عثمانی اتحاد و ترقی جمعیت » مربوطدر . بناء علیه اتحاد و ترقی جمعیتك ، بتون عثمانی لرك سعادت مشترکه لرینی تأمین خصوصنده تعقیب ایتدیکی مسلك سیاسی بی تعقیب ایده جك و تبلیغات مشروعه سنی هر زمان ایفا ایلله جکدر .

ثانیاً - جمعیتمز بر « جمعیت علمیه » در . بناء علیه استانیول و طشره مدرسه لرینك احیاسی و تحصیلك تعالیمی و طلبه علومك هر نوع علومدن حصه یاب ایدله بیللمشی چاره لرینی دوشنه جك و مکتب ابتدائیه و سائرده تحصیل دینی نظر اعتباره آله حق وعائد اولدقلری مقام نزدنده تشبثات لازمه ده بولنه جکدر .

ثالثاً - جمعیتمز بر « جمعیت دینی » در . بناء علیه کرک موقوف و غیر موقوف رساله و جریده لرله و کرک

بر وجهه کیم لایق حیثیت زدر

امنیه تشویق ایده رز ناسی یولیه

امنیه مزك سائق امنیتمز در

ملت بزه ناظر در آنك حکمتی مطلق

تصدیق و تصوره کی قدسیتمز در

حریت ایله عدل و مساوات و اخوت

انصاف و ادب لازم ماهیتمز در

کیم معترض اولسه شرف دینه دیلیله

کسمك دیلنی مشرب و خاصیتمز در

نظمی شرف دینیزی حسن حمایه

شایسته عرفان و عبودیتمز در

فاتح درس عاملرندن

شروانی

علی نظمی



— سیمای صامنین —

دلی تسبیح ایله پیراسته بر مرد خدا

کیده رك فاتحه ، ایتیش اوراده عصر ادا

پیش و عطفنده اوتورمش ایدی بر استادك

ایکی دیز اوسته ، بر واعظ خاق ارشادك

اوکوزل بر جهان دیده نه لر سویلر ایدی

هپ مخاطبلرینه دینجه اوکود ایلر ایدی

آکلادوب سویلدیکی صوم و صلاعه عائد

خیره مظهر اولاحق دیرایدی صائم ، ساجد

رمضان شهرینه دائر اوکوزل تبشیرات

قسم کلیسی بخاریدن آلتش سندات

هله قاضی کی ، رازی کی علامه لرك

نخچوانی کی هر دهرده فهامه لرك

او قومش دقت ایله هر برینك تفسیرین

فرق و تمیز ایده رك جمله سنك تعبیرین

اعتدال دم ایله ، حلم ایله تقریر ایدیور

ایله بیسوده دکل علم ایله تصویر ایدیور

قائماً دیکله دیکم برصیره ده مست اولدم

حضرتك حلقه تدریسنه یابست اولدم

اوطور ووب شویله جه اطوارینی تدقیق ایدم

علمی ، فضائی ، حلمی ایله تصدیق ایدم

ذاتاً اولماز ایسه بر واعظك اخلاقی کوزل

خلقه تعلیم جدل ایتیش اولور نصحه بدل

اشبو حکمتلره واقف اولان استاد حکیم

قوللین ایله ایلر ایدی دینی تعلیم

برده باقدم که مخاطبلر ایچنده بر ذات

غائب اولمشدی نکاهندن آنك جمله جهات

وقف کوش ایتیش ایدی شویله جه اول استاده

آلامشدی دینیلر جان و جهانی یاده

غلبه ایتیش ایدی ذاته لاهوتیت

یوق کبیدی بدننده دم ناسوتیت

صانکه بر مرده ایدی حال حیاطنده ایکن

بنده صادق حق ، عاشق سوزش افکن

صقالده سیاهندن بیاضی اکثر ایدی

رنك سیمایی آنك شویله براز احمر ایدی

یاشی الی ایله آلتش اراننده یدی بو ذات

بالک وجدان و مطهر دل و آسوده حیات

اوروجك حالت قدسیه می سیماسنده

کورولور نفی ایله اثبات ایله ایمانسنده

جمله اعضایی ایله صائم و دائمی اوپیر

کیجه لر ، اکلاشیلیر ساجد و قائمندی اوپیر

نفسی محکوم ایدن ارباب ثبات و ایمان

شبه سز مظهر لطف اولدیفین ایلر ایقان

نص قطعی ایله ثابت ، بوکا یوق ریب و ظنون

اوروجك فائده می عداینه حددن افزون

مسلمانجه اوروجك جرتی حقه مخصوص

فرقه ناجیه یه عائد اولور بویه مخصوص

حل و حرمت نظر ننده بولنورسه سیان

اوکا بیلیم که نه دیر ؟ زمرة علم و عرفان

بر آلائی اهل ضلالت کورولور هر برده

بری ، دنیا یه مضر ، زرده قایلر بر فرده

کیمی توحیده ، کیمی شرع قویم دینه

بسیور خانه قلبنده نیجه بیك کینه

طوتیور حق ایله خلقت کلماتن سیان

صانیور حکمت ایله کشف اولنور جمله نهان

بویه بازیچه عقل بشر اولمش بر فن

بیلیر الهی دینیرسه بوده پك مستهجن

کور دیککی بر ، ایکی تقدیری حقیقت صانیور

مطمن اولمالیدر که او کیشی آلدانیور

بیلیمور ، حق اونی محروم عنایت ایدیور

ظن ایدر کندینی ، الله صیانت ایدیور

بویه کردابه فسقه دوشن ای انسانلر

بیلیکنز کیم کولیور حالکزه شیطانلر

آجیمق نفسکزه الزم ایکن بونلری سز

فکر ایدوب آخرتی هیچ حساب ایتدیکز

نفسنه ظلمی روا کورمش اولان بر انسان

دیگرک حق می ایلیه جکدر اذعان

خالقك وارافتی ، برلکفی منکر اولان

دیگر انسانلر می خیر ایده جك ای اخوان !

بونی امرایله بن انسان دکل ، الله ، بیلک

بودر اخبارنی ، صدق ایله بالله بیلک

شارعك امرنی تقدیر ایده منر جاهلر

بونده کی حکمتی و همی ایله تخمینه دوشر

حبه نی قبه یابار و اهمه نك تخمین

یا تااصل مسلک اولور و اهمه نك تعیین

براولور قوه عقلیه تماماً بوکالیر

براولور فکر بشر و الله و دمیسته قایلر

هندسه هیئت ایله جبر و حساب و حکمت

نزد حقه ایده منر دعوی موجودیت

عقل و فکرک ره نارفق سیدر بعض جهات

بونلره شرع محمدده دینیر سه معیات

بونلری حسن قبول ایتمک انصاف ایستر

فطرت کامله دن سوکره دل صاف ایستر

ای اله ازلی حاکم هر ذره خدا

راه قدسی نپیدن بزی سن ایتمه جدا

خادم دین و شریعت ایده رك جمله منری

ایله همسایه هان فخر رسالتله بزی

جمعیت علمیه افرادندن

محمد عارف



— تحصیل عالمنده —

اونه یدی ، بر متبسم غرور زمزمه دار

ایدردی لانه فکر مده حاکمانه قرار

اونه یدی ، بر متجسم امل ، بر اطمشان

مطالعات ایچون ایلردی متصل اجبار

غریب مسئله لر ، نکته لر بولور چیقاریر

ایدردم اهلی ذکادن جوان استفسار

مباحثات ایدی کوکلمده یرطونان آمال

مباحثات ایله ساءتلم ایدردی کفار

عصاملر ایله عبدالغفور لر آچیلیر

رساله لر بیه کوزدن کچرایدی ناچار

مطلوله باقیلیر ، اطول و دسوقیدن

صحیفه لر اوقونور هیچ اولناز استکثار

شوبخی متن قناری یه باقدم ، آکلادم

قره خلیله باقلسه اولور می حله مدار ؛

دینیر ، کتاب آچیلیر ، چوریلیر صحیفه لر

اولور که حل اولورده او بیج دشار
ایردی کوکلی غرق سرور برمدت
کلردی فکره بر غایانه حس وقار
بتون بونشویه عائدی، نخبه آمل
بتون بوحسله ایردی سرورلیل ونهار

هله صباحه قدر — برکیجهیدی — درسه باقرب
نمازه، جامعه کلمش ایدم زبون و نزار
دعاده — بعداء الصلاة — نزدیده
تصادف ایلدی برده شریک نکتته شعار
زمان مساعدایدی، واردی درسه بر ساعت
روامیدر ایدم بزشووقتی بوش امرار،
رفیق معرفتله، انیس روحله
برادرانه، برای ناطی افکار
قالب کمال شغفله درون جامده
فرحلی برکوشده ایلمشدک استقرار
مناسبت ایله، صوردمدی: دونکی درسی ناصل
تفهم ایتدیکک ایلر، یسک دیه اشعار؟
مناقشات ایله میدان آچیلدی بر بجه
نتیجه، ایکیمز بر عناد و بر اصرار
جداله طلمش، اوت کشمکشده قلمش ایدک
اوقال وقیل ایله درسی کیم ایلور تذکار!
بزم شو حالزی سیر ایدن رفیقاندن
کلوب بری بزه درسک اوقوندیقن اخطار
ایدیجه، برده نه باقسه تمام ایکی ساعت
کچوب جدال ایله اولمش اوکونکی سخی، خسار
بودرلو فائده سز ادعا و اصرارم
بی زمان، زمان ایلر طورر ایدی اصرار
اوکون رفیق ایله خائبانه عودت ایدوب
اوحالندن هله اولمش ایدم ندامتکار

براز تخف که جکدر شو حال پرشورم
فقط تفکر اولنسه بوباید معذورم
ویرلدی دسته ایلك امثله، بنا، مقصود

هنوز بنده شوترکی قواعدی مفقود
بتون قیود و حواشیل غیب ایدوب کندم
کورنجه تحفیی، صاندم جهانی اوکرندم
بو اغترار ایله اظهار، امتحان دیرکن
قباسمه کوره اولدمدی واقف هرفن
جیقوب عقائده یوکسلیدی درس، اولوب، بتدی
هزار حیف که جوی حیات آقوب، کیتدی!...
ناعلسه آکلامدم محو ایدوب او آزمائی
اجازت آلمان اولجه بن بوقصائی
مکرمدار مباحات اولان فضا طارمش
جهان علم و هنر ده ناله وارمش
مؤلفات سلف لایعد و لایحیی
فوائدله ایدرکن افقده نشر ضیا
ناصل اولوبده او نور لطیف کورمه، شمر
سزانه مرتبه لرده تأثر ایتسهک بز
بیلنسه کیم ایدی مانع، قصور کیمده ایدی؟
نیچون بو حال ایله قالد، قباحتم نه ایدی؟
اوقونما قلع، وارمیدی بر سبب عییا؟
چالشمیورمی ایدم بن اوقوتدیلر ده بکا؟
خیر! اوقوتدیلر دی، اوقوتیق اولمازدی
ترقیاتمزی ایستینده یک آزدی
کیمک نه حدیه ایز ایدوبده بر غیرت
اوترز سابق تعدیل ایله سین همت
اودم رواج علوم و فنون همان بوقدی
نه نرس، عرض صداقت مر قی یک چوقدی
وسیلرلر آرانیردی علومی محابه
خفیلر جان آقاردی مقام و لایه
سکر طقوز سنه وار — ظنمه کوره — انجیق
شو خاطر. هله خاطر نشانکز اوله جق
بزم رجا مزی رد ایتکی کوروب بیداد
مباشرتله (مقامات) حضرت استاد
ندر اسان صرب، حال و شان شروادب؟

ندر مفاخره لرله او اهتمام نسب؟
ندر شجاعتی عقل و دهاسی صربانک؟
ندر او نابغه لر، عتره و اعشالر؟
ندر سخاسی، وفایی اوقوم ذیشانک؟
ندر او کعب و لیب، جربر و خنسالر؟
برر بر بزه ایضاح ایدرکن اعرابی؟
هنوز بیلیمورم صا که نه ایدی اسبابی؟
سمایت ایلمه رک بر اثم نامه لوم؟
او استفاده دن ایتمشیدیلر بزی محروم؟
نه حیله لردونیوردی شو دور سابقده؟
نه لاله لر سونیوردی او کون قرانلقده؟
اولانلر اولدی نه چاره بو کونکی احوالی؟
بو کون دوشونمکی، جائز دکلدن اهلالی؟
کچن زمانه یابوب آغلامق ندر هیسات!
چالشمق، ایلمک استر تلافی مافات
فانج درساملرندن
طاطف

ذبدۀ سیاسیات

غیر قابل انکاردر، اوتوزیدی سنه دن بری اوروپا
سیاسیاتی فرانسه ایله آلمانیا آره سنه ۱۸۷۰ محاربه سندن
صکره حصوله کلمش اولان مباعدت و منافرتک تأثیراتی
آلتنده قالمشدر. پیسارق پوتلیقه سنی بونقطه نظر دن تعقیب
ایده رک فرانسه بی اوروپادن نجرید ایتکده بو پوتلیقه نک
باشلیجه آمانندن بری اولمشدر. اتفاق مثک بر طرفدن
فرانسه یه، دیگر جهتن روسیه یه قارشو اوروپانک
اورته سنده بیوک وقوی برکتله تشکیل ایتش اولوب اتفاق
مثلک اوروپا هیئات دوله سنه قارشو مسلکی تجاویزی
دکل تدافعی اولدینی اعلان اولمش، نفوذ سیاسی و اقصاد
دینک ترویج و توسیعی ایچون ده خطه جنوبیه ده یعنی شرقده
واسع بر زمین بولمشدر. آلمانیا بو خصوصده بتون قوتیه

منافع اقتصادی سنی دیگر لری ده نفوذ سیاسی ایله مندمج
منفعت اقتصادی بی ترویج ایلمشدر. بوقوته قارشو فرانسه و روسیه اتفاق وجوده کلمش،
نهایت انکلتزه ایجاب حال وزمان ایله «انفراد معلا» پوتلیقه
سنی ترک ایله اوروپا مجمع دولسنه قارشوشدر. انکلتزه
فرانسه ایله ائتلاف حاصل ایتدیکی کبی ایتالیایی، اسپانیایی
ده فرانسه طرفته میل ایتدرمش، آلمانیا ایله اوستریانک
شرقده کوندن کونه منفعتلری آرتقمده اولدینی کوره رک
کرک بونقطه نظر دن و کرک هندستان حدودی یقینلرنده کی
مسائلدن طولایی روسیه ایله اوزلاشمی ده موافق
بولمشدر.
روسیه نک ژاپونیا محاربه سنه مغلوبیتی، ژاپونیا ایله
انکلتزه آره سنده بر اتفاق موجودیتی، انکلتزه ایله فرانسه
آره سنده کی ائتلافک بر اتفاق درجه سنه قوتی روسیه بی ده
انکلتزه یه تمایل ایده جک بر موقعه کتیرمش ایدی.
بلغارستانک اوروپاده بر زمانلر روسیه پوتلیقه سنه
استناد ایدرکن کیت کیده اوستریا یه توجه ایتسی، اوستریا
نفوذینک کرک بلغارستانده و کرک ماکدونیا ده آرتسی
روسیه نک خوشنه کیتدیکی کبی آلمانیا نفوذینک اوستریا
ایله بر لیکده بولمنسندن قطع نظر اوستریا روم ایلیده
مشغول ایکن آلمانلرکده اناطولیده تا بغداد قدر تیموریولی
واسطه سیله تأمین منافع اقتصادی یه چالشمسی انکلتزه منافعه
موافق کلیوردی. روسیه ایسه ژاپونیا سفیرله مشغولیتندن
واحوال داخلیه سنک بر آراق جدی اصلاحاته احتیاج
کوستره جک درجه ده تشوشندن طولایی بالقان
شبه جزیره سنده نفوذینک تناقص و بوکا بدل اوستریا نفوذ
ینک تزیاید ایلمی ده خوش بر نظرله کورمیور. بوکا مانع
اوله بیلمک استیوردی. مزمن بر حاله کلمش کبی کورین
ماکدونیا مسئله لرنده ده آلمانیا یه کوکنمک اوزره اوستریا،
وانکلتزه یه استناد ایلمک اوزره روسیه کورینیوردی.
اوروپا سیاسیاتی شو جریانلری تعقیب ایتدیکی صرده
ملکتمزده قانون اساسی اعلان اولمش، اتفاق مثک تهاجم

اولان بومسئلہ حقندہ — نہ صورتہ طاورانہ جنی دہ موجب مراق اولیوردی .

بلغارستان مسئلہ لرنده طوغریدن طوغری به اوستریانک واوروبا سیاستنده آلمانیاک مسلکک بتون سیاسیون نظر دقتی آچش ایدی . بلغارستان پرنسک بوداشتهده فوق العاده مراسم ایله قبول اولمسی ده اوستریا طرفندن بلغارستان آمال و منافعتک حمایه و ترویجی یولنده تفسیر ایدلمش ایدی .

حکومت عثمانیه ایسه بویکی مسئلهده انجق حقوقک تمامی صیانتی و برلین معاهده سی احکامک حرفیاً تطبیق مسلکک تعقیب ایتمش ، حق صریحی بتون اوروپا به تصدیق و تسلیم ایتدیرمشدر .

ابتدا بلغارلره مماشاة ایدن اوستریا مطبوعاتی ده بالاخره انگلیز غزت لرنینک شدتلی مقابله سنه قارشو تبدیل لسان ایدهرک حکومت عثمانیه ک بو ایشده نه قدر حقلی بولندیغی کوسترمکه مجبور اولمشدر . المانیا طرفندن فرانسه و اسپانیا نوطه سنه مأمولک فوقنده ملایمت و تراکتله جواب موافقت ویرلمسی ده آلمانیا سیاسیاتک ائتلافجویانه بولندیغی ارأه ایلمشدر .

حکومت عثمانیه بلغارستان امارتنه شمندوفر خطنک همان اعاده سی ، کشوف افندیکن عودتی ایچون تبلیغات اجرا ایدهرک شمندوفر خطنک اعاده ایدلمیه چکنه دأر اولان و برطاقم علل و اسباب صایان جواب اوزرینه حق صریحی قوتله استرداد ایدهرک یرده سیاسیاتک حال حاضریننه نظراً برلین معاهده سی امضا ایتمش اولان حکومتلردن تأمین حقوقی طلب ایتمکی موافق کورمشدر . مسئله بورادهده اولوب بر آرهلق اورتهده دوران ایدن محاربه شایعه لرله بلغارستانک اعلان استقلالی کبی روایتلری جریان احوال تأیید دکل تکذیب ایدیور .

صلح پرورانہ سندن ممالک عثمانیه کی منفعتلری صیانت ایتک ایچون خصمانه بزى تضییق ایدن حکومتلر دوسنه معاونت طریقنی اختیارله سیاستلری — اساس بر اولمقله برابر — شکلاً تبدیل و تغیر ایتمشدر .

اداره مستبدنک دوامندن آوروپاده مستفید اولان حکومتلر اوستریا ایله آلمانیا اولدیغی ، ایتالیا — اتفاق مثلثه داخل اولمق اعتباریله — کاه بولنره مماشاة کوستردیکی کبی کاه فرانسه وانگلتریه میل کوستردیکی و اوتندن بری ماکدونیا احوالک تذبذبانی بر نظر منفعتله تعقیب ایدن و نتیجه استفاده بکله یں بلغارستان ده اداره مشروطه دن ممنون کورنیه چکی ، باخصوص ماکتمزده حمیت و انسایتدن عاری و منافع خصوصیه یی ترویج ایچون وطنه خیانتدن غیر محبت کورینن برکروهکده بر محاربه یی عاداتا تشویق ایدهرک یولنده تخمینات و فرضیات ایشیدلدی اشته بوسرهده بلغارستان قیوکتخداسی کشوف افندی سفرا درجه سنده معامله کورمدیکی و خارجیہ ناظری طرفندن سفرایه ویریلن ضیافته چاغیرلمدی ایچون صوفیه به کیتدی . روم ایلی شمندوفرنده مستخدمینک تعطیل اشغالندن استفاده ایله بلغارلر خطک روم ایلی شرقی داخلنده کی اقسامی اللرینه کچیردی . بویکی مسئله بتون آوروپا سیاسیاتنی اشغاله باشلادی .

ینه بوسرهده روسیه خارجیہ ناظری ایزوولسکی آوروپاده سیاحت ایدهرک اوستریا ، المانیا و ایتالیا خارجیہ ناظرلرینه ملاقات ایتمش ، طبعی قانون اساسی ک اعلانی اوزرینه حکومت عثمانیه ک اکتساب ایتدیکی موقع سیاسی ایله متناسب برمسلك تعقیبی موضوع بحث ایدلمشدر . بوملاقاتلر اوزرینه نشر اولنان معلوماتک خلاصه سی شودر : حکومت مشروطه عثمانیه ک تمامیه تأسس و کسب قوت ایتسنه انتظار .

ینه بوسرهده فاس مسئلہ سندن طولانی فرانسه ایله اسپانیانک آلمانیا به ویردکلی مشترک نوطه به آلمانیا ک نه یولده جواب ویره چکی — برارالق فرانسه ایله آلمانیا ارسنده بر محاربه ظهور ایتسنه سبب اوله جنی تخمین ایدلمش